

## Nr 965

**Vuoigatvuohtaministeriija ášahus****sámedikki válggain čuvvojuvvon meannudeamis**

Addojuvvon Helssegis skábmamánu 3 beaivve 2006

Vuoigatvuohtaministeriija mearrádusa mielde ášahuvvo sámedikkis 17 beaivve suoidnemánus 1995 addojuvvon lága (974/1995) 40 c §:a vuodul, dakkárin go dat lea lágas 1279/2002:

## 1 §

Sámedikki válggaid álgaheamis, válgalogahallamii ohcamis ja válgalogahallamis eretsihkkumis ja maiddái válgalávdegotti čujuhuse galgá gulahit válgalávdegotti mearridan aviissain, mat almmustuvvet sámiid ruovttuguovllus, ja goittotge ovttá riikkadási aviissas mañimustá válgajagi ovdal leahkki skábmamánu 15 beaivve olggosaddon almmuhusain.

## 2 §

Válgalogahallamii ohcci olmmoš galgá laktit ohcamuššii

1) luottehahtti čilgehuse sámedikkis addojuvvon lága (974/1995) 3 §:a 1 čuoggás dárkkuhuvvon sámegeiela oahppamis vuosttas giellan;

2) arkiivavirgeoapmahačča duodaštusa das, ahte namuhuvvon olmmoš lea merkejuvvon duottar-, vuovde- dahje guolásteaddjilappalažžan duodaštusas máinnašuvvon eana-, vearroguoddin- dahje heaggagirjái, ja lassin virgeoapmahačča addin duodaštusa das, ahte son lea namuhuvvon olbmo mañisboahti; dahje

3) dárkilis dieđu, man vuodul válgalávdegoddi sáhtá gávnnahtit, ahte goittotge okta su vanhemiin lea merkejuvvon dahje su livččii sáhtán merket jietnavuoigadahtton olmmožin sámi parlameantta dahje sámedikki válggain.

Olgoriikka álbmotlahttun válgalogahallamii ohcci olmmoš galgá čilget ohcamušas maiddái, ahte sus lea sámedikkis addojuvvon lága 21 §:s dárkkuhuvvon ruoktobáiki Suomas.

## 3 §

Válgalávdegoddi nanne válgalogahallamii ohcama várás ohcanskovi.

## 4 §

Sámedikki válggaid válgalogahallan dollojuvvon oaidninláhkai juohke sámiid ruovttuguovllu gielddas. Sámedikki válgalávdegoddi mearrida oaidninláhkai doallama dárkilut áiggis ja daid báikkiin, gosa válgalogahallan biddjojuvvon oaidninláhkai.

Válgalogahallama oaidninláhkai doallamis galgá gulahit 1 §:s dárkkuhuvvon aviissain olggosaddon almmuhusain.

## 5 §

Sámedikki válggaid evttohaslogahallama galgá almmustahttit farggamusat dan gárváneami mañná 1 §:s dárkkuhuvvon aviissain.

Evttohaslogahallan dollojuvvon válggaid áigge oaidninláhkai juohke sámiid ruovttuguovllu gielddas válgalávdegotti mearridan báikkiin ja lassin iešgudege jienastanbáikkis, juos válgabeaivve jienasteapmi ordnejuvvon.

## Nr 965

## 6 §

Válggaid doaimmaheamis ja válgabeaivve jienasteamis, juos válgabeaivve jienasteapmi ordnejuvvo, galgá gulahit almmuhusain, mii olggosaddojuvvo 1 §:s dárkkuhuvvon aviisain mañimustá guokte vahku ovdal válgadoaimmahusa álggaheami.

## 7 §

Válggain geavahuvvon jienastanlihppo galgá prentejuvvot vilges báhpárii. Bábir galgá leat šlája dáfus dakkár, ahte dat dorvasta válgasuollemasvuoda seailuma. Jienastanlihpos galgá oidnot čielgasit, mo dan galgá máhcastit oktii.

Jienastanlihpo sturrodat galgá leat 148 x 210 mm. Dan siskkobeallái prentejuvvon ba-

jilčállagis namuhuvvojit válggat, main lihppo geavahuvvo. Siskkobeallái galgá lassin prentet rieggá, man čadamihttu lea 90 mm ja mii lihpo máhcastettiin oktii báhcá máhcaskeahtá. Gasku rieggá galgá leat čielgasit oidnomis merken N:o dan evttohasa nummiera merkema várás, gean buorin jienasteaddji háliida jienas addit. Makkárge eará merkejumit jienastanlihpos eai oáččo leat.

## 8 §

Dát ásahus boahtá fápmui skábmamánu 14 beaivve 2006.

Dáinna ásahusain gomihuvvo sámedikki válggain čuvvojuvvon meannudeamis guovvamánu 21 beaivve 2003 addojuvvon vuoigatvuohtaministeriija ásahus (160/2003).

Helssegis skábmamánu 3 beaivve 2006

Vuoigatvuohtaministtar *Leena Luhtanen*

Ráddehusráddi Mirja Kurkinen